

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka javne nabavke roba – Potrošni materijal za nuklearnu medicinu, objavljenog na web portalu Agencije za javne nabavke dana 28.09.2018. godine i u „Službenom glasniku BiH“ broj 69/18 dana 05.10.2018. godine, zaključen je

OKVIRNI SPORAZUM

Između:

Javna ustanova Opća bolnica „Prim. dr. Abdulah Nakaš“,
Ul. Kranjčevićeva broj 12, 71000 Sarajevo,
koju zastupa direktor Prim. dr. Zlatko Kravić,
Identifikacijski broj: 4200288400001,
(u daljem tekstu: Kupac)

i

„INEL“ d.o.o. Mostar,
Sjedište: Polog b.b., 88000 Mostar,
koju zastupa direktor Ivan Kvesić,
Identifikacijski broj: 4227189240006,
Transakcijski račun: 3381002200030735 UniCredit Bank d.d. Mostar
(u daljem tekstu: Dobavljač)

Član 1.

Predmet Okvirnog sporazuma je nabavka roba: Potrošni materijal za nuklearnu medicinu po lotovima:

1. LOT 1 – Nuklearna medicina - Radiofarmaci,
2. LOT 2 – Nuklearna medicina – Hladni kitovi za pripremu radiofarmaka, kit za scintigrafiju pluća, kit za scintigrafiju kostiju i kompatibilni dodaci,
3. LOT 3 – Nuklearna medicina – Pribor za potrebe djelatnosti nuklearne medicine

prema ponudi od 15.10.2018. godine, a na osnovu Odluke o izboru najpovoljnijeg ponuđača broj 7868-9/18 od 23.10.2018.godine.

Ponuda sa specifikacijom roba od 15.10.2018. godine i dokumentacija dostavljena po predmetnoj nabavci sastavni su dio ovog sporazuma,

dalje: ponude Dobavljača, (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio sporazuma s tim da se zbog obimnosti iste uz sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po otvorenom postupku – tender broj JN-80/18.

Član 2.

Okvirni sporazum (u daljem tekstu: sporazum) se zaključuje na period od 24 (dvadesetčetiri) mjeseca i traje do isteka sporazuma odnosno do utrošene maksimalne finansijske vrijednosti po lotovima kako slijedi:

1. LOT 1 - do 166.160,40 KM bez uračunatog PDV-a, odnosno 194.407,66 KM sa uračunatim PDV-om na dvogodišnjem nivou.
2. LOT 2 - do 55.248,00 KM bez uračunatog PDV-a, odnosno 64.640,16 KM sa uračunatim PDV-om na dvogodišnjem nivou.
3. LOT 3 - do 23.879,00 KM bez uračunatog PDV-a, odnosno 27.938,43 KM sa uračunatim PDV-om na dvogodišnjem nivou.

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih roba po nepromijenjenim uslovima sa dobavljačem kojem se dodjeljuje ugovor u skladu sa članom 3. Okvirnog sporazuma iz oblasti nabavke predmetnih roba.

Član 3.

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Količine roba iz Obrasca za cijenu ponude nisu obavezujuće za ugovorni organ. Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

Član 4.

Ukoliko se jedna od ugovornih strana ne pridržava odredbi ovog sporazuma, druga ugovorna strana ima pravo na jednostrani raskid sporazuma. Raskid sporazuma se vrši u pismenoj formi.

Član 5.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Odredbe ovog sporazuma ne mogu se mijenjati nakon njegovog zaključenja.

Član 6.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 7.

Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.

Član 8.

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

Dobavljač:
„INEL“ d.o.o. Mostar
DIREKTOR

Ivan Kvesić

Broj:

166-18
Mostar, 26.10.2018

Kupac:
Javna ustanova Opća bolnica
„Prim. dr. Abdulah Nakaš“
DIREKTOR

Prim. dr. Zlatko Kravić

Broj: 7868-11/18

Sarajevo, 23.10.2018. god.